

Član 16.

Ovlašćuje se Federalno ministarstvo pravde da utvrdi kriterije za određivanje potrebnog broja zaposlenika u sudovima.

Član 17.

Odredbe čl. 3, 4, 5. i 7. ovog zakona početak će se primjenjivati na dan kada svi sudovi u Kantonu budu počeli sa radom, a koji će odrediti Visoko sudsko i tužilačko vijeće.

Član 18.

Ovaj zakon stupa na snagu osmog dana od dana objavlivanja u Službenom glasilu Hercegovačko-neretvanskog kantona.

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A

Broj: 02-01-II-056/03
Mostar, 25.februara 2003. godine

PREDSEDNIK
Omer Čevra, s.r.

245

Na osnovu poglavlja V, odjeljka B, člana 45 tačka c. te člana 47. Ustava Hercegovačko-neretvanskog kantona, donosim

U K A Z**o proglašenju Zakona o kantonalnom tužilaštvu HNK**

Proglašava se Zakon o kantonalnom tužilaštvu kojeg je donijela Skupština HNK na sjednici održanoj 25. februara 2003. godine.

Broj: 01/I-02-18/03
Mostar, 01.04.2003.god.

ZAMJENIK GUVERNERA
Šefkija Džihović, s.r.

ZAKON**O KANTONALNOM TUŽILAŠTVU
HERCEGOVAČKO-NERETVANSKOG
KANTONA****I - OPĆE ODREDBE****Član 1.**

Kantonalno tužilaštvo (u daljem tekstu: Tužilaštvo) je samostalno državno tijelo koje, u okviru prava Hercegovačko-neretvanskog kantona (u daljem tekstu: Kanton) preduzima zakonom određene mjere u pogledu istražnih radnji i gonjenja lica za koje se sumnja da su počinili krivična djela i privredne presteupe, te vrši druge poslove određene federalnim i kantonalnim zakonom.

Član 2.

Tužilaštvo vrši svoju funkciju u skladu sa Ustavom Bosne i Hercegovine, Ustavom Federacije Bosne i Hercegovine i Ustavom Kantona, te na osnovu zakona Bosne i Hercegovine, Federacije Bosne i Hercegovine i Kantona.

Član 3.

U okviru svojih nadležnosti, Tužilaštvo štiti ostvarivanje ljudskih prava i građanskih sloboda koje garantuje Ustav Bosne i Hercegovine, Ustav Federacije Bosne i Hercegovine i Ustav Kantona, kao i ostvarivanje prava i interesa pravnih lica utvrđenih zakonom, te osigurava ustavnost i zakonitost.

Član 4.

Tužilaštvo se osniva i ukida zakonom.

Član 5.

- 1) Funkciju Tužilaštva obavlja glavni kantonalni tužilac (u daljem tekstu: glavni tužilac) i zamjenici glavnog kantonalnog tužioca (u daljem tekstu: zamjenici glavnog tužioca) i kantonalni tužioci (u daljem tekstu: tužioci).
- 2) Glavnog tužioca, zamjenike glavnog tužioca i tužioce bira i imenuje Visoko sudsko i tužilačko vijeće Federacije Bosne i Hercegovine (u daljem tekstu: Visoko sudsko i tužilačko vijeće).

- 3) Glavni tužilac ima najviše dva zamjenika. Broj zamjenika glavnog tužioca i broj tužilaca određuje Visoko sudsko i tužilačko vijeće.
- 4) Ako glavni tužilac ima dva zamjenika, Visoko sudsko i tužilačko vijeće, na prijedlog glavnog tužioca, imenuje jednog od dva zamjenika za prvog zamjenika glavnog tužioca.

Član 6.

- 1) Tužilaštvo predstavlja i vodi glavni tužilac.
- 2) Zamjenici glavnog tužioca i tužioci obavljaju zadatke koje im povjerava glavni tužilac i za izvršenje tih zadataka odgovaraju glavnom tužiocu.
- 3) Zamjenici glavnog tužioca i tužioci mogu preduzimati sve mjere u postupku pred sudom ili organom vlasti, za čije preduzimanje glavni tužilac ima zakonsko ovlaštenje.

Član 7.

- 1) Mandat glavnog tužioca i zamjenika glavnog tužioca traje šest godina, nakon čega mogu biti ponovo imenovani. Mandat prestaje u slučaju ostavke, navršenja starosne dobi propisane za odlazak u penziju po sili zakona ili smjenjivanja s dužnosti iz utvrđenih razloga. Po isteku mandata, glavni tužilac i zamjenik glavnog tužioca nastavljaju obavljati dužnosti tužioca.
- 2) Funkcija tužilaca je stalna. Njihov mandat prestaje u slučaju ostavke, navršenja starosne dobi propisane za odlazak u penziju po sili zakona ili smjenjivanja s dužnosti iz utvrđenih razloga.

Član 8.

Kantonalni kolegij tužilaca sastoji se od glavnog tužioca, zamjenika glavnog tužioca i tužilaca.

Član 9.

- 1) Rad Tužilaštva nadgleda glavni tužilac Federacije s ciljem osiguravanja zakonitosti i efikasnosti postupaka. Na zahtjev glavnog tužioca Federacije, glavni tužilac dostavlja izvještaj o pojedinim slučajevima, s detaljnim opisom mjera koje preduzima Tužilaštvo.
- 2) Glavni tužilac redovno, a najmanje jedanput u šest mjeseci, Tužilaštvu Federacije podnosi izvještaje o stanju kriminaliteta i rješavanju slučajeva.

Član 10.

Tužilaštvo ima pravo i dužnost, u okviru ostvarivanja svojih funkcija, na vlastitu inicijativu ili na zahtjev,

obavještavati Skupštinu Kantona, Vladu kantona ili predsjednika, odnosno potpredsjednika Kantona o provođenju Krivičnog zakona u Kantonu i radu Tužilaštva.

Član 11.

- 1) Tužilaštvo može obavještavati javnost i odgovarajuće organe vlasti i organizacije, putem sredstava informisanja ili drugim putem, o stanju kriminaliteta u Kantonu.
- 2) U okviru djelokruga rada utvrđenog zakonom, i u skladu sa interesima postupka, Tužilaštvo može obavještavati javnost o pojedinim slučajevima krivičnog gonjenja, ukoliko su te informacije od interesa za javnost. Prilikom obavještavanja javnosti, Tužilaštvo se rukovodi interesima pravednosti, imajući na umu standarde navedene u članu 6.(1) Evropske konvencije o zaštiti ljudskih prava i osnovnih sloboda.

Član 12.

- 1) Tužilaštvo prati i analizira probleme u tužilačkoj praksi Kantona, koji su od značaja za provođenje Krivičnog zakona.
- 2) O pitanjima iz djelokruga Tužilaštva Federacije i Tužilaštva koja su od značaja za provođenje Krivičnog zakona Federacije, glavni tužilac Federacije i glavni tužilac mogu zauzimati zajedničke stavove na sastancima koje saziva glavni tužilac Federacije na vlastitu inicijativu ili na prijedlog glavnog tužioca.

Član 13.

- 1) U Tužilaštvu su u ravnopravnoj upotrebi bosanski, hrvatski i srpski jezik.
- 2) Tužilaštvo može koristiti i ostale jezike kao sredstvo komunikacije.
- 3) U Tužilaštvu su u ravnopravnoj upotrebi latinično i ćirilično pismo.

Član 14.

- 1) Kantonalni propisi o radnom odnosu radnika u organima uprave shodno se primjenjuju i na zapošljavanje radnika u Tužilaštvu, ako ovim zakonom nije drugačije određeno.
- 2) Kantonalni propisi o državnoj upravi koji se odnose na rukovođenje i odgovornost funkcionera i njegovog zamjenika shodno se primjenjuju i na glavnog tužioca, njegovog zamjenika, odnosno zamjenike, i tužioce, ako ovim zakonom nije drugačije određeno.

Član 15.

- 1) Tužilaštvo ima pečat u skladu sa Zakonom o pečatu Kantona.
- 2) Na zgradi u kojoj je smješteno tužilaštvo mora biti istaknut naziv tužilaštva i grb Federacije Bosne i Hercegovine i Kantona.

II - OPĆE NADLEŽNOSTI I OVLAŠTENJA**Član 16.**

Tužilaštvo vodi istragu i goni osobe za koje sumnja da su počinili krivičnih djela i privrednih prestupa i vrši druge poslove određene zakonom.

Član 17.

- 1) Kad nađe da zbog povrede kantonalnog zakona ili međunarodnoga ugovora postoje osnovani razlozi da upotrijebi pravno sredstvo protiv izvršne sudske odluke ili odluke donesene u upravnom ili drugom postupku, glavni tužilac može zahtijevati da se odloži, odnosno prekine izvršenje takve odluke, ako bi njenim izvršenjem mogle nastupiti neotklonjive štetne posljedice.
- 2) Ako glavni tužilac podnese zahtjev iz stava 1. ovog člana, odložiti će se, odnosno prekinut će se izvršenje odluke. Odlaganje, odnosno prekidanje izvršenja odluke traje do donošenja odluke o pravnom sredstvu glavnog tužioca.
- 3) Odluka o odlaganju, odnosno o prekidanju izvršenja, prestaje da važi i ako glavni tužilac u roku od 30 dana od dana primanja odluke ne upotrijebi pravno sredstvo.

Član 18.

- 1) U okviru svojih ovlaštenja iz člana 9. Zakona o Federalnom tužilaštvu, glavni tužilac Federacije može Tužilaštvu izdati opće ili pojedinačne obavezne instrukcije i provesti krivičnu istragu i gonjenje pred kantonalnim i općinskim sudovima, kad glavni tužilac Federacije opravdano vjeruje da Tužilaštvo nije primijenilo odredbe Krivičnog zakona Federacije ili da Tužilaštvo u svojoj nadležnosti ne može efikasno goniti lica za koje smatra da su počinili krivično djelo.
- 2) Glavni tužilac Federacije može prenijeti određene predmete ili mjere koje spadaju u nadležnost Tužilaštva na drugo tužilaštvo. Bez obzira na nadležnosti tužilaštva, Glavni tužilac Federacije može povjeriti i pojedinačne predmete glavnim tužiocima, zamjeniku, odnosno zamjenicima glavnog tužioca,

tužiocu Federacije, odnosno tužiocima ili tužiocu, odnosno tužiocima tužilaštva.

Član 19.

- 1) Glavni tužilac, odnosno zamjenik glavnog tužioca ili tužilac mogu se privremeno dodijeliti drugom tužilaštvu ili Tužilaštvu Federacije bez njegovog pristanka na period od najviše šest mjeseci u roku od pet godina.
- 2) Glavni tužilac Federacije donosi odluku o privremenom premještanju i o tome obavještava Visoko sudsko i tužilačko vijeće.
- 3) Glavni tužilac, zamjenik glavnog tužioca, odnosno tužilac koji je dodijeljen drugom tužilaštvu ili Tužilaštvu Federacije ima pravo na plaću, naknade i druga zakonom utvrđena primanja.

Član 20.

Pravo i dužnost glavnog tužioca je da izda obavezne instrukcije zamjenicima glavnog tužioca i tužiocima u vezi s njihovim radom. Pored toga, glavni tužilac može:

- a. preduzeti određene mjere iz nadležnosti zamjenika glavnog tužioca, odnosno tužilaca, ili tužioca, odnosno tužilaca;
- b. ovlastiti drugog zamjenika, odnosno zamjenike glavnog tužioca ili tužioca, odnosno tužioce da procesuiraju određene slučajeve iz nadležnosti drugog, odnosno drugih zamjenika glavnog tužioca ili drugog tužioca, odnosno tužilaca; i
- c. ovlastiti zamjenika glavnog tužioca, odnosno zamjenike ili tužioca, odnosno tužioce da vrše posebne aktivnosti koje su u nadležnosti drugog, odnosno drugih zamjenika glavnog tužioca ili drugog tužioca, odnosno tužilaca.

Član 21.

- 1) U smislu ovoga Zakona, obavezne radne instrukcije znače instrukcije opće prirode vezane za rad i aktivnosti zamjenika glavnog tužioca i tužilaca, kao i instrukcije za preduzimanje mjera u određenim slučajevima.
- 2) Glavni tužilac izdaje obavezne radne instrukcije opće prirode, u skladu sa Pravilnikom.

III - ORGANIZACIJA I RAD**Član 22.**

- 1) Tužilaštvo se uspostavlja sa jurisdikcijom za cijelu teritoriju Kantona.

- 2) Na prijedlog glavnog tužioca i nakon što saslušao glavnog tužioca Federacije i Vladu Kantona, Visoko sudsko i tužilačko vijeće odlučuje o uspostavljanju ili prestanku rada područnih tužilaštava u općinama kantona. Područna tužilaštva se mogu otvoriti samo ukoliko postoji hitna i neophodna potreba za takvim područnim tužilaštvom.
- 3) Kantonalna tužilaštva i područna tužilaštva predstavljaju jedinstveno organizaciono tijelo. Područna tužilaštva se uspostavljaju kako bi se zagarantovala efikasnost predmetnog postupka.

Član 23.

U ispunjavanju svoje funkcije, Tužilaštvo učestvuje u postupcima pred kantonalnim i općinskim sudovima Kantona.

Član 24.

- 1) Sjedište Tužilaštva se nalazi u Mostaru.
- 2) Područno tužilaštvo Tužilaštva nalazi se u Konjicu.
- 3) Prestanak rada područnih tužilaštava uspostavljenih u skladu sa stavom 2. ovog člana uređuje se članom 22. stav 2. ovog Zakona.

Član 25.

Kada je glavni tužilac odsutan ili spriječen, mijenja ga (prvi) zamjenik glavnog tužioca, a zatim zamjenik glavnog tužioca, ukoliko je isti imenovan. U slučaju kada su glavni tužilac i njegov zamjenik, odnosno zamjenici odsutni ili spriječeni, tužilac, koji ima najduže radno iskustvo, vrši funkciju privremenoga glavnog tužioca. Ukoliko su glavni tužilac i njegovi zamjenici odsutni ili spriječeni duže od jednog mjeseca, glavni tužilac Federacije određuje vršioca dužnosti glavnog tužioca, za period ne duži od šest mjeseci. Po isteku ovoga perioda, glavni tužilac Federacije izvještava Visoko sudsko i tužilačko vijeće o upražnjenome mjestu u Tužilaštvu, koje potom može objaviti oglas za popunjavanje ovoga radnog mjesta.

Član 26.

Glavni tužilac, zamjenici glavnog tužioca i tužioci ne mogu biti pozvani na krivičnu ili građansko-pravnu odgovornost ni za jedno djelo učinjeno tokom obavljanja svojih službenih dužnosti.

Član 27.

- 1) Kanton odgovara za štetu koju glavni tužilac, zamjenici glavnog tužioca, ili tužioci nanesu građaninu ili pravnoj osobi tokom obavljanja svojih dužnosti nepropisnim ili nezakonitim radom.
- 2) Kanton može zahtijevati da glavni tužilac, zamjenici glavnog tužioca, ili tužioci izvrše naknadu plaćenog iznosa za štetu samo ukoliko je šteta prouzrokovana namjerno ili iz krajnje nepažnje.
- 3) Zahtjev za naknadu štete iz stava 2. ovoga člana zastarijeva u roku od šest mjeseci od dana prvobitno isplaćene naknade.

Član 28.

- 1) Na kraju svake budžetske godine, glavni tužilac izrađuje statistički pregled svojih aktivnosti koje se odnose na:
 - a) neriješene i okončane predmete (opis krivičnog djela, datum kada je isto počinjeno, ime, prezime i datum rođenja navodnoga počinioca, datum podnošenja),
 - b) broj primljenih predmeta tokom tekuće godine (vidi tačku a),
 - c) datum i vrstu konačne ili privremene odluke o tekućim predmetima u Tužilaštvu,
 - d) datum i vrstu konačne ili privremene odluke o predmetima gdje je prihvaćena optužnica od strane suda ili gdje je donesena sudska presuda.
- 2) Na kraju svake budžetske godine, na osnovu statističkoga pregleda, glavni tužilac podnosi izvještaj Kantonalnoj skupštini. Glavni tužilac daje detaljno izvještaj o stanju kriminala u kantonu i tokovima kriminala. Glavni tužilac može u svojim zaključcima dati prijedloge da se izvrši reforma zakona. Prethodno pomenuti zaključci se objavljuju u medijima i drugim odgovarajućim forumima.
- 3) Glavni tužilac dostavlja glavnom tužiocu Federacije potrebne podatke u svrhe pomenute u članu 28. stav 2. Zakona o Tužilaštvu Federacije.

**IV - UNUTRAŠNJA ORGANIZACIJA
TUŽILAŠTVA****Član 29.**

- 1) Postoji Pravilnik Tužilaštva, kojim se, *inter alia*, uređuje organizacija Tužilaštva, broj administrativno-tehničkog osoblja, te uslovi za obavljanje tih poslova.

- 2) Pravilnik Tužilaštva donosi glavni tužilac, po odobrenju Kolegija tužilaca i Visokog sudskog i tužilačkog vijeća.

Član 30.

- 1) Glavni tužilac rukovodi Tužilaštvom. Glavni tužilac izdaje opće instrukcije tužilačkim i administrativnim odjelima Tužilaštva u skladu sa Pravilnikom.
- 2) Na početku svake godine, glavni tužilac donosi opći plan za distribuciju predmeta, te za administrativna pitanja. U vezi s distribucijom predmeta, opći plan mora odrediti objektivne kriterije prema kojim će se predmeti distribuirati. Opći plan se može izmijeniti i dopuniti tokom godine ukoliko to bude potrebno zbog promjene u broju primljenih predmeta ili sličnih administrativnih pitanja ili drugih nepredviđenih okolnosti.

Član 31.

- 1) Tužilaštvo ima arhivara kojeg imenuje Kolegij tužilaca. Tužilaštvo ima i drugo osoblje nadležno za stručne, administrativne i tehničke poslove.
- 2) Arhivar pomaže glavnom tužiocu u obavljanju administrativnih poslova i izradi administrativnoga dijela plana u skladu sa članom 30., stav 2. ovoga Zakona.
- 3) Poslove arhivara može obavljati osoba koja je diplomirani pravnik i ima najmanje 2 godine odgovarajućeg iskustva iz oblasti prava.
- 4) Arhivar pomaže glavnom tužiocu u pripremi i izvršavanju budžeta Tužilaštva.

Član 32.

- 1) Tužilaštvo vodi evidenciju o predmetima. Kada Tužilaštvo primi predmet, registrira ga navodeći između ostalog, slijedeće podatke, ukoliko su mu oni poznati:

- ime i prezime osobe protiv koje je podnesena krivična prijava,
- državljanstvo osobe protiv koje je podnesena krivična prijava,
- adresa osobe protiv koje je podnesena krivična prijava,
- datum kada je počinjeno krivično djelo,
- pravni karakter krivičnog djela,
- odgovarajuće odredbe Krivičnog zakona,
- broj dosijea u Tužilaštvu,
- dosije pod kojim je predmet zavela institucija za provođenje zakona,

- datum uvođenja predmeta u evidenciju Tužilaštva.
- 2) Glavni tužilac donosi detaljnije propise o upravi u okviru Pravilnika, izrađenom u saradnji s arhivom, ukoliko ti propisi nisu doneseni u okviru općih uputstava i plana distribucije.

Član 33.

- 1) Državljanin Bosne i Hercegovine koji je diplomirani pravnik i koji ispunjava opće uslove za zapošljavanje u organima vlasti može biti zaposlen kao pripravnik.
- 2) Pripravnici se zapošljavaju u Tužilaštvu i postepeno im se dodjeljuju sve vrste poslova, kako bi stekli praktična iskustva u svim oblastima rada Tužilaštva.
- 3) Pripravnici se zapošljavaju na određeno vrijeme na period od najviše dvije godine.
- 4) Tokom dijela njihovoga pripravnčkog staža, pripravnici se upućuju na praktičan rad u općinske i kantonalne sudove.
- 5) Dužina trajanja praktičnoga rada pripravnika, uslovi za sticanje prava na polaganje pravosudnoga ispita, te program i način polaganja pravosudnog ispita regulišu se posebnim propisom.

Član 34.

Odredbe o posebnim propisima kojima se regulišu funkcije, prava i dužnosti zaposlenika u kantonalnim organima vlasti odnose se i na zaposlenike u Tužilaštvu, osim ukoliko to nije drugačije utvrđeno ovim ili drugim Zakonom.

V - FINANSIRANJE TUŽILAŠTVA

Član 35.

- 1) Tužilaštvo ima svoj budžet koji je sastavni dio kantonalnog budžeta. Prije početka budžetske godine, glavni tužilac prezentuje prijedlog budžeta Visokom sudskom i tužilačkom vijeću. Glavni tužilac ima pravo da brani prijedlog Visokog sudskog i tužilačkog vijeća i da prisustvuje sjednicama Kantonalne skupštine i njenih odgovarajućih komisija svaki put kada se na sjednicama razgovara ili odlučuje o budžetskim pitanjima koja se odnose na Tužilaštvo.
- 2) Glavni tužioc je, uz pomoć arhivara, nadležan za pripremanje i izvršenje budžeta.

- 3) Na kraju svake budžetske godine, glavni tužilac obavještava Kantonalnu skupštinu o izvršenju budžeta Tužilaštva.

- 3) Kopija službene zabilješke dostavlja se kantonalnom Ministarstvu pravosuđa, uprave i lokalne samouprave i novouspostavljenom Tužilaštvu.

VI - PRELAZNE I ZAVRŠNE ODREDBE**Član 36.**

- 1) Tužilaštvo se u skladu sa ovim Zakonom uspostavlja na dan koji odredi Visoko sudsko i tužilačko vijeće. Visoko sudsko i tužilačko vijeće objavljuje ovu odluku u "Službenim novinama Hercegovačko-neretvanskog kantona".
- 2) Na dan iz stava 1. ovog člana svi zakoni i propisi koji se odnose na tužilačke funkcije na općinskom nivou smatrat će se tužilačkim funkcijama na kantonalnom nivou. Ukidaju se sve odredbe zakona Federacije ili njenih kantona koje su u suprotnosti s ovim Zakonom.
- 3) Postojeći Zakon o Tužilaštvu Hercegovačko-neretvanskog kantona ("Službene novine Hercegovačko-neretvanskog kantona", broj 8/99) i Zakon o Tužilaštvu Centralne zone Grada Mostara ("Službene novine Hercegovačko-neretvanskog kantona", br. 10/99) stavlja se van snage na dan iz stava 1. ovoga člana.

Član 37.

- 1) Do donošenja propisa o internim aktivnostima Tužilaštva u skladu sa ovim Zakonom, primjenjuju se postojeći propisi o internim aktivnostima Tužilaštva, ukoliko ti propisi nisu u suprotnosti s ovim Zakonom.

Član 38.

Glavni tužilac, zamjenici glavnog tužioca i tužioci imaju pravo na plaću i druge naknade definisane zakonom.

Član 39.

- 1) Postojeće Kantonalno tužilaštvo i općinska tužilaštva Hercegovačko-neretvanskog kantona i Tužilaštvo Centralne zone Grada Mostara izvršit će prenos imovine, predmeta iz njihove nadležnosti i arhiva na novo Tužilaštvo na dan uspostave novog Tužilaštva u skladu sa članom 36. stav 1. ovoga Zakona.
- 2) Prenos imovine, predmeta i arhiva iz stava 1. ovog člana izvršit će postojeći kantonalni i općinski tužioci i tužioci Centralne zone koji će sačiniti službenu zabilješku o gore navedenom prenosu.

Član 40.

Ovaj Zakon o Kantonalnom tužilaštvu stupa na snagu osmog dana od dana objavljivanja u "Službenim novinama Hercegovačko-neretvanskog kantona".

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A

Broj: 02-01-II-060/03
Mostar, 25. februara 2003. godine

PREDsjedNIK
Omer Čevra, s.r.

246

Na osnovu poglavlja V, odjeljka B, člana 45 tačka c. te člana 47. Ustava Hercegovačko-neretvanskog kantona, donosim

U K A Z

**O proglašenju Zakona o izmjenama i
dopunama Zakona o unutrašnjim
poslovima**

Proglašava se Zakon o izmjenama i dopunama Zakona o unutrašnjim poslovima koji je donijela Skupština HNK na sjednici održanoj 25. februara 2003. godine.

Broj: 01/I-02-19/03
Mostar, 01.04.2003.god.

ZAMJENIK GUVERNERA
Šefkija Džih, s.r.

ZAKON

**O IZMJENAMA I DOPUNAMA
ZAKONA O UNUTRAŠNjim
POSLOVIMA HERCEGOVAČKO-
NERETVANSKOG KANTONA**